

30

25

20

15

10

5

說約
合參

四書正解

卷之十四

論語 雜貨

A 13
863
14



卷之十四
113
863
14

四書大全說約合叅正解卷之十四

殷其祚維

正月二日

丹陽吳荃蓀右彙輯

受講人陸觀成駿聲仝校

盛欽軾又贍

論語

陽貨第十七

凡二十
六章

陽貨章全旨

此見聖人之待權臣不惡而嚴上是欲見而據理以待之下是屢諷而據理以荅之

陽貨欲見孔子孔子不見歸孔子豚孔子時其亡也而往拜之遇諸塗

歸加字
作餋

陽貨季氏家臣名虎嘗囚季桓子而專國政欲令孔子來見已而孔子不往貨以禮大夫有賜於士不得受於其家則往拜其門故歟孔子之亡而歸之塗欲令孔子來拜而見之也參序陽貨以陪臣而專國政欲令孔子來見已以爲已重孔

子以義自守不肯見之貨遂托大夫屬士之禮職孔子之亡而歸以蒸豚以致孔子往拜而見也乃孔子亦時貨之亡也而往拜之雖不廢報施之禮而亦終不失其不見惡人之義也乃不意往拜而反與効過諸途

析講大全朱子曰貨之歸豚蓋以大夫自處○時亡往拜不是彼以聃來我亦聃往小人之計君子安得而效之只是曲遂其不肯見惡人之意耳

謂孔子曰來子與爾言曰懷其實而迷其邦可謂仁乎曰不可好從事而亟失時可謂知乎曰不可

日月逝矣歲不我與孔子曰諾吾將仕矣

好詎知並去聲

懷寶迷邦謂懷藏道德不救國之逃亂亟數也失時謂不及事幾之會將若旦然而未必之辭貨語皆譏孔子而諷使速仕孔子固未嘗如此而亦非不欲仕也但不仕於貨耳故直據理答之不復與辯若不論其意者陽貨之欲見孔子雖其善意然不過欲使助己爲亂耳故孔子不見者義也而其往

拜者禮也必時其亡而往者欲其稱也遇諸塗而不避者不終絕也蹕問而對者理之直也對而不辯者言之孫而亦無所訛也楊氏曰楊雄謂孔子於陽貨也敬所不敬爲訛身以信道非知孔子者蓋道外無身身外無道身訛矣而可以信道吾未之信也

余淺說貨乃迎而謂孔子曰來子與爾言言曰道德治世之寶也苟懷其寶不用而坐視以迷亂其邦可謂之仁平子曰仁者心存救世使懷實迷邦不可謂仁也貨又曰時者有爲之資也苟平日好從濟世之事而數數失乎事機之會可謂智平子曰知者明于事機使好從事而失時不可謂智也貨又曰日月一逝而不可反矣年歲不爲我少留寶可終藏而時可再失乎及今不仕更待何時子曰諾君子未嘗不欲仕吾將出而仕矣貨自爲有心之譏夫子若爲無心之荅其待小人不激不隨之道如此

析講大全蔡氏曰上條序其事此條序其言貨之一言都着在孔子身上來夫子之答却不認作自家身上去只據理答之及言日月逝矣二句卽言以將仕猶云我待時而出也貨不能復置一詞矣○日月逝矣一條承上懷寶失時一條言歲

月不爲我少留不可終千懷寶失時也謂曰仕固未嘗不出欲仕而日將仕又未必于仕也此是夫子善于應答處將仕處亦不必云吾將不終于懷寶失時也若然則是自己認不仁不智了○年歲爲我少留便是與我底與字之義如此性相章全旨此因人以善惡相遠者歸咎于性故嚴其性習之無而以近遠示之猶云咎不在性而在習欲人証其性而慎于習也細玩本註是繫緊要人慎習意人惟以習爲性幾疑相遠者性寔使然指出相近欲人慎所習耳

子曰性相近也習相遠也

此所謂性兼氣質而言者也氣質之性固有美惡之不同矣然以其初而言則皆不甚相遠也但習於善則善習於惡則惡於是始相遠耳○程子曰此言氣質之性非神性之本也若言其本則性卽是理理無不善孟

子之言性善是也何相近之有哉

合衆子曰凡人同得天地之理以爲性雖不能因氣質之稟而有清濁純駁之異然以下其未涉于人爲之初而言則善惡分數大槩亦爭差不多清者純者固善而濁者駁者亦未

當不善蓋相近也其所以有如此善與惡之相去遠者由後來所習而然耳據其習相遠而原其性相近人可知所以慎習平苟知下慎習而克其氣質之偏以復其天性之本則其近者可得而一矣

析講性字註云兼氣質言性畢竟是理但理不可懸空無寄須寄在氣質耳朱子曰如一勺之水非有物盛之則水無歸着此喻極妙○相近謂重好邊說蓋繼善成性本自純粹即間有雜糅亦與純粹相去不多纔是相近○習字如一人之學習衆人之風習皆是○相遠要詳中于是始三十字是指出情亦要見得或盡性而善或失性而惡左有分曉習字還是不好邊居多習于善則善對不過習于惡則惡句善者適得本體惡則始失其本然所謂差毫釐謬千里者也須重不善邊方得戒人慎習本旨○陳氏曰天下之生凡同類者無有不同而誠悉則不能盡同此其所以爲造化之妙如人之形體一也而耳目口鼻之位置美惡則無二同人之能言一也而其聲音之清濁高下則無二同然要其所以爲人形爲人聲者終相若也而可以推人之性矣其賦自天何有不善陰陽雜揉屬之于人而謂之性宜不能粹然而皆善矣此人性

相近之說也奈何。主性善之說而遂廢性相近之說耶。○中庸言天命之謂性矣。而又曰自誠明謂之性。自明誠謂之教。孟子道性善矣。而又曰堯舜性之湯武反之可見二性字原不同。夫教而誠反而聖皆不能無事乎習之功至與性之爲也。○天地之性粹然一出于善不可以相近言。故註就氣質上說。註中初字非指天地之性說。蓋對後來習而言也。自性而言。則曰美惡。夫子言性就氣質中指出。天地誠于之理不離乎氣質者。而言之。若孟子言性則以其不雜乎氣質者而言。所謂天地之性也。理寓于氣而氣載乎理。本不相離也。然理無不善而氣則不齊。故人之性常隨氣之清濁純駁以爲通塞偏全而有美惡之異。如厚于仁而薄于義。餘于禮而不足于智之類。然卽其未涉于學習之初而言。則本然之性未嘗不在其可爲善者。皆爭差不多。到後來人爲既加善惡。遂爾判隔。則習之過而非性之故也。不惟善者習于善惡者。習于惡相去之遠。雖初善而終習于善亦相去之遠。故曰相遠。○胡雲峰曰。赤子之生。無有五方。其聲一也。性之相近也。妣之長則言語不通。飲食不同。有至死

唯上章全旨

此章主意全在可移。要人謹習以証性。上智下愚。在其中。是知夫子之言寔該孟子之意。

子曰唯上知與下愚不移

知去聲

此承上章而言。人之氣質相近之中。又有美惡一定而非習之所能移者。○程子曰。人性本善。有不可移者。何也。語其性。則皆善也。語其才。則有下愚之不可移。所謂下愚。有二焉。自暴自棄也。人苟以善自治。則無不可移。雖昏愚之至。皆可漸摩而進也。惟自暴者拒之以不信。自棄者絕之以不爲。雖聖人與居。不能化而入也。仲尼之所謂下愚也。然其質非必昏。且愚也。往往強戾而才力有過人者。商辛是也。聖人以其自絕於善。謂之下愚。然考其歸。則誠愚也。或曰。此與上章當合。爲下子白二字。益衍文耳。

參大全文子曰。人之氣質固相近矣。然就其本。惟氣概其清質

極其粹而爲上智與，那氣極其濁質極其鄙而爲下愚。兩等
人一定不易如，堯舜不可爲桀紂，桀紂不可爲湯武，而非習
之所能移。是則其相近中之懸絕者如此。此皆可善可惡之中人也，變化氣質之功甚矣。

析講以聖言觀之，則曰不移而已。不曰不可移也。以程子之言考之，則以其不肯移而後不可移耳。蓋聖人之言本，但以氣質之稟而言，其品第未及乎不肖，不可之辨也。程子之言，則以氣稟甚異而不肯移，非以其氣稟之異而不可移也。

○存疑因上章意未完，故復言之。○朱子曰：性相近，是通善惡智愚說。上智下愚是就中摘出懸絕者說。○麟上云：不移者，不移于智也。故知意亦不甚重。不移重在慎其可移處。惟上智不移，則凡未能上智者可危矣。惟下愚不移，則凡不甘下愚者可勉矣。○集註于上章謂性兼

氣質。此章謂人之氣質不補言性妙。

武城章全旨

通章以道字作主，在莞爾節斷上。是因其能以道化民而喜之下，是因其能以學道相信而嘉之。夫子之心無非欲入也。

子之武城聞弦歌之聲

弦琴瑟也。時子游爲武城宰，以禮樂爲教，故邑人皆弦歌也。參序子游宰武城，夫子之其邑而聞弦歌之。

聲其下之有善俗，則上之有善教可知矣。

析講大全蔡氏曰：歌必叶于弦歌，如是弦亦如是古者教人春習樂，夏賀詩，秋賀禮，冬習書。因時以爲教。夫子過武城而聞弦歌，便知其以禮樂爲教。城以武名，用武之地，攷左傳可見。○徒歌曰謳，弦歌以琴瑟和歌，人聲與絲聲相合，世禮樂不專弦歌，惟以禮樂爲教，故邑皆

絃歌，此亦子游以道化民之驗。

夫子莞爾而笑曰割雞焉用牛刀

莞，華版反。焉於虔反。

莞爾小笑貌，蓋喜之也。因言其治小邑，何必用此太道也。參序夫子喜見顏色，遂莞爾而笑焉。因而曰割雞之小焉，用此牛刀之大爲謂，其以大道治小邑也。析講當時爲治者，皆不能然。故驛聞而喜之。○麟士曰：按集註，則當于夫子莞爾而笑讀住。夫子莞爾而笑，是一截下文。

子游對曰昔者偃也聞諸夫子曰君子學道則愛人小人學道則易使也

易去聲

蔡氏曰其心則深喜其詞若在義焉寔反言以戲之以觀子游之自信何如耳○牛刀自是僥幸不是喻言參大全文子游則以正對曰昔者偃也嘗聞諸夫子曰君子在上誠學道以明其理焉則有以養其仁心而愛人小人在下亦學道以明其理焉則和順以服事其上而易使節夫子此言觀之武城雖小亦有君子小人何可以不以禮樂教之也析講偃述所聞見人之當學禮樂不必論治之大小也不可以君子指游小人指武城之民說愛人易使俱就爲治上泛言之學道方能愛人不是臨時學道臨時愛人也君子二句講完方貼子游意謂君子小人學道各有益如此今武城雖小猶爲君子焉猶爲小人焉其可不學夫道也哉○饒氏曰君子小人以位言方其學道時漸摩于詩書禮樂服習平孝

子曰二三子偃之言是也前言戲之耳

弟忠信君子小人尚未分也後來入仕者則用此道以愛人
在下者亦自知義所以易使此見子游尊聞行知寔際○學道所該者廣不專指私歌一節然寔是相關之意可耳

嘉子游之篤信又以解門人之惑也○治有大小而其治之必用禮樂則其爲道一也但衆人多不能用而子游獨行之故夫子驟聞而深喜之因反其言以戲之而

子游以正對故復是其言而自實其戲也

參張氏子曰二三子偃學道之言誠是也予前所云割雞牛刀特戲之以觀其自信何如耳豈可可疑于前言而以國小民

微爲忽也

析講二三子是從行者是也謂合乎治理也○虛齋日本

是夫子之言今自偃言之卽偃之言也又云夫子之心無非欲以道易天下也學道無分君子小人亦無分天下一邑故

喜子游以道治武城又堅二三子之信望其同以道濟天下

此夫子自表其用世之志弗擾之畔蓋以強公弱

私爲名夫子借以行道則可使政在大夫者還于

諸侯政在諸侯者，稟于天子。是則周道可以復興。故曰爲東周。○公山之畔，畔季也。非畔魯也。非據魯之費。據其不當有費者也。夫子方欲墮費以強魯。故一聞其召而欲往。然欲往二字亦須看得活。夫子素好行道之志。一聞召至不覺觸發。本懷看如若有用我。一句直將欲往事宜付之。不論公山自召。夫子自思東周神情如此。

公山弗擾以費畔召子欲往

弗擾季氏宰與陽虎共執桓子據邑以叛

參序公山弗擾以費畔以聘幣召夫子夫子欲往應之

析講紹聞編弗擾召孔子在孔子未爲中都以前事至定公十二年墮費時弗擾又畔則孔子左用于魯。弗擾初因不得志于季氏而附陽虎定八年陽虎欲去三十植將烹季氏于蒲圃而殺之。弗擾與其謀。陽虎弗免而出奔弗

擾以費畔○

馮厚齋曰弗擾一名不狃字子洩

子路不說曰未之也已何必公山氏之之也

說音悅

未無也言道旣不行無所往矣何必公山氏之往乎

子曰夫召我者而豈徒哉如有用我者吾其爲東周乎

扶夫音

參序子路不悅自道旣不行無所往也斯已矣何必公山氏之往也

析講麟土曰集註只云無所之註疏則云無所之則此較全

人以天下無不可有爲之時亦無不可改過之人故欲往然而終不往者知其必不能改故也

參序夫公山不召他人而召我者豈徒爲虛文而不知我非從其畔者哉必將有以用我而反畔爲順也嗟乎世如其用我者吾其爲東周而且復文武周公之道以致治乎奈何未之而遂已也

析講大全蘇氏曰孔子之不助畔人天下所知也畔而召孔其志必不在于惡矣故孔子因其有善心而收之使不自絕而已弗擾之不能爲東周亦明矣然而用孔子則有可以爲東周之道故子欲往而卒不往者知其必不能也○蒙引

弗擾真欲強公室虎則意不在公室特欲假公室以制大夫爲中自己之利而已觀異日齊欲伐魯而不狃止之虎乃謂曰加于魯則可取見其用心之不同矣夫子不見虎而于弗擾之召則欲往殆謂是歟○麟士曰豈徒哉決公山爲東周決我也自是兩節若作一凌說則看公山之召太重矣○按如有用我卽如苟有用我當脫開泛說○蔡氏曰是時周建都于東夫子得用將使周道復興故

日爲東周非謂使魯爲東周也

子張章全旨此夫子示以爲仁之寔功子張務外求仁或虛而不寔故夫子示之以能行五者于天下行雖在外而所以行寔在心也能字有力五者是寔心天下是寔境能行五者于天下是寔功皆就外以返之于內大意只重能行一句下恭寬句則列五者之目不侮

五句舉能行之效言之使之自考也

子張問仁於孔子孔子曰能行五者於天下爲仁矣請問之曰恭寬信敏惠恭則不侮寬則得衆信

則人任焉敏則有功惠則足以使人

行是五者則心存而理得矣於天下言無適而不然猶所謂雖之夷狄不可棄者五者之目蓋因子張所不足而言耳任倚仗也又言其效如此○張敬夫曰能行此五者於天下則其心公平而周徧可知矣然恭其本與李氏曰此章與六言六蔽五美四惡之類皆與前後文體大不相似參輔氏子張問仁道于孔子孔子曰仁者心之理是心一而有六間斷之時則亡矣是理亦有虧缺之處則失矣若能行是五者自一家一國以至于天下無適而不然則其心公平其理周徧而仁之體用備是爲仁矣子張請問其五者之目子曰心不慢而恭心不褊而寬心不僥而信心不怠而敏心不鶻則有容人之量而有以得平衆心矣未至不僥不可謂能行而惠凡此皆仁之所在也特患不能行耳苟能恭則有可畏寬也能信則我有所憑准而人皆倚賴于我而不我疑矣未至人任不可謂能行信也能敏則無因循苟且之病而事無不濟矣未至有功不可謂能行敏也能惠則人之蒙其惠者

皆有感戴之心而樂爲我用矣不足以使人不可謂能行惠也女信能行此五者于天下則仁豈外是哉張欲爲仁亦從事于此焉可乎

析講蒙引此與荅樊遲同都教他做工夫恭寬信敏惠如五美一般有以見于身言者有以見于事言者然皆心之所由存理之所由得也不可分貼○能行二句直趕到于天下爲一句○大全胡氏曰恭寬句是所行之五者恭則不侮五句不重效上只云恭則不侮必如此乃爲恭行于天下不然還是恭未能行也餘倣此○既曰五者又曰天下是目若真見而口尚未言之詞只待子張再問也能行二字不是到五者住朱子以行是五者截解欲得無適不然意思出耳非謂心力正見爲仁之功無間斷卽詳中不可棄意馬君常曰此與存理得了又必無適不然方爲仁也于天下三字須說得着參前倚衡意義相參正是使之隨境自認非教子張務也恭以持己寬以容物信以出令敏以作事惠以利物俱本心上發出來所謂心存也心存則理得矣蓋行于外者當要如此全行五者而無間則心便收斂在此心在此則理卽得之此矣不侮五句欲其以效自考見得無是效必其功有味至

也如荅顏冉問仁亦以歸仁無怨之效言之耳○蔡氏曰仁者人心心存然後爲仁然此心非寂守一膜之心無刻不與天下相應接無處不與天下相感通必事物各得其理方見心存理得處故夫子平素論仁如居處恭執事敬與人忠及天下歸仁那家無怨必就當境寔際處體認此章全重能行二字天下只如世間之詞此句已說完爲天下特申明之耳○存疑觀恭寬信敏惠五件與所言之效乃是至質上者言蓋子張時已出仕故云然

佛肸召子欲往

許密反

佛肸晉大夫趙氏之中牟宰也

合叅佛肸來召孔子孔子欲往應之非特以其人之可以事之可爲亦以在已有可恃之道而彼不能浼焉耳

析講佛肸趙簡子邑宰○紹聞編云佛肸召孔子在再適陳反衛之時夫子未嘗至晉佛肸召後將西見趙簡子至河而反

子路曰昔者由也聞諸夫子曰親於其身爲不善者君子不入也佛肸以中牟畔子之往也如之何

子路恐佛肸之浼夫子故問此以止夫

子之行親猶自也不入其黨也

參序子路不知而問日昔者由也嘗聞諸夫子曰凡人之親自于其身爲不善者君子不入其黨恐爲所浼也今佛肸以中牟畔是親爲不善子之欲往也將如之何與不善不入之言似相悖矣

子曰然有是言也不曰堅乎磨不礲乎白乎涅而不繩

礲力力反涅乃結反

磷薄也涅染皐物言人之不善不能浼已楊氏曰曆不磷涅不繩而後無可無不可堅白不足而欲自試於廟涅其不繩繩也者幾希

參麟士子曰然汝說得也是我前日會有是言也然此特爲堅白不足者言之耳獨不曰物之至堅者乎雖磨而不見其薄固無妨自試于磨也獨不曰物之至白者乎雖涅而不見其繩固無妨自試于涅也彼自不善耳于我何浼哉

析講太全蔡氏曰然有是言也指君子不入之言也不曰堅乎云云亦夫子所嘗言也言焉固有是言矣又獨無此言乎吾今之欲往爾當以此言攷吾而不當以向所聞者泥我也堅白涅繩皆影借說太意是德之盛而人莫之浼也

吾豈匏瓜也哉焉能繫而不食

焉於處反

匏瓠也匏瓜繫於一處而不能飲食人則不如是也○張敬

夫曰子路昔者之所聞君子守身之常法夫子今日之所言聖人體道之大權也然夫子於公山佛肸之召皆欲往者以天下無不可變之人無不可爲之事也其卒不往者知其人之終不可變而事之終不可爲耳

一則生物之仁一則知人之智也

參大全大凡吾人一身關切于世者大矣豈其匏瓜也哉焉能如彼繫而不能動不食而無所知不見之用而無益于人何由見之執哉

析講大全朱子曰子路于公山氏疑夫子之不必往故夫子言既往之理于佛肸恐其浼已也故夫子告以不能浼已之意○存疑磨不磷涅不繙荅欲往佛肸之召已明匏瓜之喻是示已當爲世用之意與上文不粘看○不食謂不求食非不可食也○二句大意猶今俗云我不是瓜子我是足能行而口能食者言不必拘拘自守不爲世用也

由也章全旨

此章見人不可不好學以成其德也不好學則徒慕其名而莫知善之所以爲善反有六蔽之害上六好字是淳慕善之名色下六好字是究竟善之義理○太全輔氏曰子路好勇且有何必讀書之說其失在于未能好

子曰由也女聞六言六蔽矣平對曰未也

女音汝下同

參序子曰由也女聞大言之美而有六蔽矣乎由起而對曰未也

析講輔氏曰謂各隨其意之所向以遮蔽其正理○蒙引大言卽子一言可終身行之言也六言六蔽謂一言一蔽相連說

居吾語女

聲語去

禮君子問更端則起而對故

孔子論子路使還坐而告之

參序子復命之日居吾語女以六言之蔽

好仁不好學其蔽也愚好知不好學其蔽也蕩好信不好學其蔽也賊好直不好學其蔽也絞

好勇不好學其蔽也亂好剛不好學其蔽也狂

好知並去聲。○六言皆美德然徒好之而不學以明其理，則各有所蔽。愚若可陷，可因之類蕩謂窮高極廣而無所止，賊謂傷害於物。勇者剛之發剛者勇之體，狂躁率也。○范氏曰子路勇於爲善，其失之者未能好學以明之也。故告之以此。曰勇曰剛曰信曰直又皆所以救其偏也。參序美德必藉學而成。如仁固言之美者也好仁，惟學以明其理，乃爲全仁。不好學則有不當仁而仁者矣。其蔽也愚或愛人而失仁也。智言之美者也好智，惟學以明其理，乃爲大智。不好學則爲索隱之智而有窮其所，不當窮者矣。其蔽也蕩用，心于虛無之地而無所底止也。信言之美者也好信，惟學以明其理，則信始無蔽。不好學則必信必果，不顧義理，只要踐言而于利害有不恤者矣。其蔽也賊害于物，直言之美者也好直，惟學以明其理，則直始不偏。不好學則無含弘寬緩之意。其蔽也訐以爲直而絞。勇言之美者也好勇，惟學以明其理，則勇合于義。不好學則不知道義，徒恃其血氣之強，其蔽也橫行作亂矣。剛言之美者也好剛，惟學以明其理。

則剛合于道，不好學則凌世傲物，軼佚不羈，要行便行，要說便說，不管前後其蔽也狂妄躁率而已矣。由其知之，析講蔽，如爲物遮掩見其一偏而不見其全體，也理大中至正不明理，則任一偏意見，做去如面前，正路被一物遮住，乃從偏徑走，所謂蔽也學。凡效之師友之言行求之方冊之記載，皆是此意。本之存疑，極簡切其蔽也愚，猶言失之愚也。一味便，是此意。本之存疑，極簡切其蔽也愚，就是蔽非爲愚，所以濟人，不度德量力，欠有分曉，即是愚。蔽亦非有所蔽，故愚下倣此。○朱子曰六者德之大目耳，輕重淺深，當施不當施之間，其理固多端也。今但見太自而好之，不務學以究其理之曲折，則見其一而蔽其一，未有不流于一偏者也。○仁之蔽，如從井救人，知之蔽，如老莊依廬，信之蔽，如尾生之行直之蔽，如託父攘羊，勇就本體堅強上說，狂者率意無忌，與志大亂者越理犯分，剛就本體堅強上說，狂者率意無忌，與志大言大之狂不同。○翼註好學以明其理，明字對蔽字，生然所謂明其理人已。○翼註好學以明其理，明字對蔽字，生然所謂明其理。

則便是明仁之理，非仁外又有理也。

小子章全旨

此章備言學詩之益，以見詩之不可不學。學字不

父二句是冇益于人倫多識，一句是冇益于學問性情本也。人倫其重者也。學問則其兼及者也。當分輕重看。始得興觀等隨舉一詩皆可如是。非限定某詩屬某也。

子曰小子何莫學夫詩

夫音扶

小子弟字也

合泰子白詩之爲教，有益于人大矣小

子何不學夫詩，于以玩其辭，求其意乎

析講邢疏莫不也視大全何不爲語較捷學謂以心

理會也。若徒恃口耳之功，亦未見下面許多益處

詩可以興

感發志意

參大全夫詩何以當學也。詩之所言，有善有惡，善惡者，懲創逸志學之而吾心好惡之機可以感興也。

析講輔慶源曰

四個可以字從學字生來

詩原有興之理

可以觀

考見得失

參大全詩所載有美有刺，美者可以見其得，刺者可以見其失。學之而我身之得失，可以反而觀也。

析講興就心上感發說，觀就身上考鑒說，不可混看。

可以羣

和而不流

參其敘述情好也于和樂之中不失羣

敬之意，學之則和而不流，而可以處群矣。

可以怨

怨而不怒

合參其發舒悲怨也，則責望之中猶有忠厚之情。學之則怨當于理而可以怨矣。

卷之十四

詩之大論

七

析講大全慶源輔氏曰當怨不得則失之躁怨而怒則又失之過程子所謂小弁擊鼓皆怨而各當乎理者也

廼之事父遠之事君

人倫之道詩無不備二者舉重而言

舉說詩備平人倫之道故廼之而家庭如_下武盡孝忠之誠表義懷劬勞之恩皆足動孝親之念學之可資以事父也遠之而朝廷如_下一南盡宣化之道一雅盡進諫之忠足起人愛君之心學之可資以事君也

析講大全新安陳氏曰人倫之道詩無不備如_下關雎言夫婦

棠棣言兄弟伐木言朋友之類父子君臣人倫中之大者_也

翼註事父事君亦承可以字來

多識於鳥獸艸木之名

其緒餘足以資多識學詩之法

此章盡之讀是經者所_以盡心也

參淺說詩于_下關雎麟趾之類棠棣葛覃之屬無不該載學之

則足以多識于鳥獸草木之名而爲見聞之助詩之有益于

子謂伯魚曰女爲周南召南吳子人而不爲周南召南其猶正牆面而立也與

女音汝

人如此爾小子何莫學夫詩

子謂章全旨

此見聖人教子以學詩之要重修齊以端化原意

爲猶學也周南召南詩首篇名所言皆脩身齊家之事正牆面而立言卽其至近之地而一物無所見一步不可行

參大全子謂伯魚曰詩三百篇皆所_以當學而其中尤爲切要者莫如周南召南蓋一南所言皆修身齊家之事女其爲夫周南召南矣乎誠能于此會其正始之道起化之基而心繩而身體之則由近及遠便無往不通矣若人而不爲周南召南則不知所以修身齊家不待出門便已動不得了其猶正牆面而立歟雖至近之地亦行不得去也女何可不爲之也

析講女爲是僉其學意非問詞爲字不以耳誦齊使會之于心體之于身也○子于獨立時已教伯魚以學詩矣又恐其不知要也故以一南先之一南所言皆齊家之事却本修

身來人而不爲二丁句是甚言不爲之弊止見其不可不爲也
其猶句重行丁邊知不得便行不得註至近之地對國與天
下之遠言○周南之詩自關雎以下言文王后妃閨門之化
行于南國者也召南之詩自謂東以南言南國諸侯夫人與
大夫之妻被文王后妃之化而成德也文王與其后妃俱有
聖德修身齊家以令于中國又使周公治陝以西召公治陝
以東由是風化自北而南遠被于山洛汝漢之間故詩人歌
味其事至周公相成王乃採其詩以爲樂章得之國中者雜
以南國之詩而謂之周南言自天子之國而被于諸侯也其
得之南國者直謂之召南言自方伯之國而被于南方也○

存疑

正糧面而立正面對糧

而立也曰正端面倒用耳

禮六章全旨

此章是夫子明禮樂之有本意見世之言禮樂者

玉帛鐘鼓之外無聞故特發探本之論四云字兩上

乎哉字是微微詰問有令人深思

而自得者不必露出和敬字面

子曰禮云禮云玉帛云乎哉樂云樂云鐘鼓云

乎哉

敬而將之以玉帛則爲禮和而鑄之以鐘鼓則爲樂遺其本
而專事其末則豈禮樂之謂哉○程子曰禮只是一箇序樂
只是一箇和只此兩字含蓄多少義理天下無一物無禮樂
且如置此兩椅不正便是無序無序便乖垂便不私又如
盜賊至爲不道然亦有禮樂蓋必有總屬必相順乃能爲

盜不然則叛亂無統不能一日相聚而

爲盜也禮樂無處無之學者要須識得

恭大全文子曰禮樂有本有文五玉三帛禮文之重者也非玉
帛固無以爲禮然特假玉帛以將之若遂謂玉帛爲禮也
彼禮云禮云但玉帛云乎哉必有寄于玉帛之先者矣金鑼
韋鼓樂器之大者也非鑼鼓固無以爲樂然特假鐘鼓以發
之若遂謂鐘鼓爲樂也彼樂云樂云但鐘鼓云乎哉必
有存于鐘鼓之先者矣人亦因木而求其本可矣

析講註文中本字指和敬言未孚指玉帛鐘鼓言張南軒日五

鼓莫非吾情文之所寓不然特虛器而已○鴻氏
且復曰云者謂人所嘗言也乎哉變而反之之謂

色厲章全首

此夫子形容出色厲者之心思爲飾貌者警

子曰色厲而內荏譬諸小人其猶穿窬之盜也
與荏而審反

與平聲

厲威嚴也荏柔弱也小人細民也穿窬盜

窬踰牆言其無實盜名而常畏人知也參存疑予日人必表裏如一方可謂之君子今有人焉觀其外貌則威儀猛厲若敢作敢爲模樣而內寔柔弱見利則動見害則懼畏首畏尾不敢作爲似此情狀譬諸小人之中其猶穿窬之盜也歟穿窬盜物而畏人知與此人盜名而畏人知其心一其事類也

析講王氏向日此有爲之言曰譬諸小人則指當時之大人也○饒雙峰日色不止顏色凡形見于外者皆是如前篇色莊是也

鄉原章全首

此章嚴實德之防○真非不以感人心惟似是而非者最足以惑人故夫子以爲德之賊

子曰鄉原德之賊也

鄉者鄙俗之意原與愿同苟字原應註讀作屬是也鄉屬鄉人之恩者也蓋其同流合污以媚於世故在鄉人之中獨以恩稱夫子以其似德非德而反亂乎德故

以爲德之賊而深惡之詳見孟子末篇

合參子白士君子立身于天下何嘗不謹厚哉但其心存于厚而非致飾于外也又有二等人一鄉之中皆以謹厚稱之而非士君子稱其屬本非真屬者此其人似忠信而非忠信似廉潔而非廉潔而反亂乎忠信廉潔之真
是誠有害于德乃德之賊也不亦深可惡乎析講如盡已之謂忠以寔之謂信此是本等忠信他却外面妝飾依違將迎似乎忠信模樣如此則人遂以此爲忠信反把那正經的忠信却做不是了豈不是德之賊○鄉原兩字都不要體認鄉鄙俗之意見非士君子正論所在原者謹厚之意其寔未必能謹厚只是同流合污不立異于人故个人都

道他好耳。若果真謹厚，何患于原德者，人心

中正之理，賊害之也。賊字全在害字上來。

道聽章全旨

此微人不能蓄德。○蒙引道聽塗說，只形容入耳，出言畧不停待，則理義無得于心，故曰德之棄。

子曰道聽而塗說德之棄也

雖聞善言，不爲已有，是自棄其德也。○王氏曰：君子多識前言往行，以商其德道聽塗說，則棄之矣。

參存疑子曰：凡人聞善言，必潛心玩味，身體力行，然後爲已有。若方道路聽之而卽于塗與人說過，是以貪口說，決不能去玩味體行，則不爲已有，是德之自棄者也。

析講大全蔡氏曰：上節德字以道理之正言，此節德字以義理之得于心者言。一詭字小異。○朱子曰：道聽塗說者，纔聽來便說了，更不能蓄也。○翼註：塗說二字，只見他輕浮淺露，不能含蓄之。

意不必太拘。

鄙夫章全旨

此聖人誅鄙夫之心，自未得之也，至末盡說鄙夫之爲鄙者，如此而不可與君之意，角見。

子曰鄙夫可與事君也與哉

與平

鄙夫庸惡陋劣之稱。

叢序子曰：爲人臣者必有忘身之識，而後可與諸事。

君之義，若鄙夫者，行卑，識淺，可與之事君也，歟哉！

析講大全輔氏曰：庸謂凡庸，惡謂狠，猾，劣謂昏弱，四者皆鄙也。○存疑可與猶可與，共學之與。

其未得之也患得之既得之患失之

何氏曰：患得之謂患，不能得之。

叢序何也？鄙夫知有己，而不知有君友，其富貴權利之未得也，則患所至，得之而曲盡其要圖之術，及其既得之也，又患或至失之，而備求其保固之方。

析講胡氏曰：患得之語急，而文省耳。○四之字俱指富貴，愚字極重。鄙夫只曉得富貴全，不知義，朝夕思維，只是此事自己身富貴之外，總不顧君父之安危，國家之休戚，只此一念無所不至矣，無所不至矣。

不至就患失之說。

苟患失之無所不至矣

小則吮齏舐痔，大則弑父與君。皆生於患失而已。○胡氏曰：許昌斬裁之有言曰：士之品大，槩有三志於道德者，功名不足以累其心，志於富貴而已者，則亦無所不至矣。志於富貴，卽孔子所謂鄙夫也。參大全然，其患得也，則求所以得之而已。雖行險，敵侔，乘閒抵隙，然其惡猶有止也。苟至於患失，則無所不至。小則吮齏，遺痔，不惜身命，大則弑父與君，禍及國家矣。此等之人，而可以與事君也歟哉？

李講大全南軒張氏曰：自古亂臣賊子，其初豈敢遽萌篡弑之心，惟患失也。蹉跌至此，履霜堅冰，馴致其道也。然則計利，自便之萌，是乃弑父與君之原也。

古者章全旨

此卽氣智以驗風俗之衰，言人不但美德不如古，卽疾亦不如古，其可慨爲何如！

子曰古者民有三疾今也或是之亡也

氣失其平，則爲疾。故氣稟之偏者，亦謂之疾。昔所謂疾，今亦

古之狂也肆，今之狂也蕩。古之矜也廉，今之矜也忿戾。古之愚也直，今之愚也許而已矣。

狂者志願太高，肆謂不拘小節，蕩則踰大閑矣。矜者持守太嚴，謂稜角峭厲，忿戾則至於爭矣。愚者暗昧不明，直謂徑行，自遂詐則挾私妄作矣。○范氏曰：末世滋儻。

○翼註謂之上者，喪失其真，如下人有本病又變生他症也。豈惟賢者不如古哉？民性之蔽，亦與古人異矣。合叅何以見之？古之人有志願大高者，此是狂之疾，然其狂也不過志大，言大小節處有所不拘，肆焉耳。若今之狂也，則放蕩而遠于大閑之外，此就不是狂了。是無古者，狂之疾矣。古之人有賦性介嚴者，此是矜之疾，然其矜也，不過立岸，有稜角云尔。不可苟犯，廉焉耳矣。若今之矜也，則所行剛

惡與人相拂極其兇忿而乖戾不近人情就不是於人是無古者矜之疾矣古之人有資秉寡昧者此是愚之疾然其愚也不過任性率真徑行自遂直焉耳矣若今之愚也則挾私妄作用機闕變幻極其詐僞全不是愚了是無古者愚之疾矣不亦深可慨哉

析講下全蔡氏曰狃矜愚疾之名鼎康直疾之寔蕩恣戾詐氣稟偏而加之以作意使然非自然也則非復古之狃矜愚矣故日或是之亡也○氣質以中和爲貴而氣誠或得其偏是亦受病處故日疾疾乃氣質之失不遇無學問以養之耳狃矜詐則是疾之流弊惡乃由習而成非氣稟之偏也既無狃矜愚之寔便不得謂之狃矜愚故日或是之亡也狃矜愚字不要重說說肆便是說狂如云古之所謂狂者肆焉而已是誠狂也今之所謂狂則蕩矣而非肆也安有古者狂之疾乎下微此詐謂理之不是而以爲是惟任私意爲之却做智的模樣也

子曰巧言令色鮮矣仁

惡紫章全旨

此夫子嚴刑之防上一句引起末句也覆邦家又推出利口之貽害甚大不與棄朱亂雅對上

子曰惡紫之奪朱也惡鄭聲之亂雅樂也惡利口之覆邦家者惡去聲覆

朱正色紫間色雅正也利口捷辯覆傾敗也○范氏曰天下之理正而勝者常少不正而勝者常多聖人所以惡之也利口之人以是爲非以非爲是以賢爲不肖以不肖爲賢人君苟悅而信之則國家之覆也不難矣

參序子曰天下之理有正有邪而邪每以勝正如色以朱爲正自紫色一名出其詭冶足以眩目人遂以爲朱不似紫矣故所惡于紫者爲其能奪朱也樂以雅爲正自鄭聲一名出其淫哇足以悅耳人遂以雅爲樂不如鄭聲矣故所惡于鄭聲者爲其能亂雅樂也至若事理之是非人品之賢否本有一定論乃有一等利口之人巧辯捷給足以惑亂人意能使人主舉動失宜用舍倒置而邦家以之覆矣故吾深惡夫利口之覆邦家者有國家者可不痛絕之哉

折講大全饒氏曰色與聲辨在耳目惟利口則當辨之以心

○費邢家夫子特下二都字見斷乎必然之意時說以繁似朱非朱鄭似雅非雅而有亂于朱猶不知業何曾似朱鄭何曾似雅特以其足以悅人之耳目而人情易爲之所動遂廢抑朱尚紫好鄭厭雅故曰奪日亂耳

子欲章全旨

此章見學貴心悟夫子以無言立教是喚醒學者當從躬行處體認道理不必專求之言語之內也首節虛末節正發明所以欲無言之自然天何言哉不是分疏自家只是指點妙理與他看將行物生此正所謂天理發見流行之寔目擊道存者也○問予欲無言恐是言有所不能盡故欲無言否朱子曰不是如此只是不消說得蓋已都撒出來了如四時行百物生天又更說一个甚底若是言不能盡便是有未盡處聖人言處也盡做處也盡動容周旋无不盡惟其無不盡所以不消說得

子曰子欲無言

學者多以言語觀聖人而不察其天理流行之寔有不待言而著者是以徒得其言而不得其所以言故夫子發此以警之

參存疑學者以言語觀聖人而日用躬行之寔有不察焉則亦徒得其影响形迹之粗終無心體神會之妙雖日聞聖人高談至論亦無由造其極矣故夫子忽發一論曰道雖以有言而顯亦以多言而晦予今而後殆欲無言矣析講饒雙峰曰予欲無言聖人是要人就他躬行處體認莫只于他言語上求蓋就身行處體認便件件把作寔事看若只就言語上求只將作空言看了無益于得也此與無隱章大同小異那是說行處無非至理別無深晦的道理上此是說行處都是寔理不必于聖言語上求○蔡氏曰聖人行處也盡言處也盡但學者偏求之于言故說予欲無言隱然見道理不消說得○註天理流行二句是會末節意解此處且勿露

子貢曰子如不言則小子何述焉

子貢正以言語觀聖人者故疑而問之參存疑子貢曰夫子之道至大門弟子之得以傳述者正頗有言以講明也今夫子如不言則門人小子何所聞而傳述焉

子曰天何言哉四時行焉百物生焉天何言哉

四時行，百物生焉。非天理，發見流行之實，不待言而可見。聖人一動一靜，莫非妙道精義之發。亦天而已。豈徒言而顯哉？此亦開示予責之切惜乎！其終不渝也。程子曰：「孔子之道譬如日星之明，猶惠門人未能盡曉。故曰：『予欲無言。』若顏子，則便默識其他，則不免疑問。故曰：『小子何述？』又曰：『天何言哉？』」四時行焉，百物生焉。則可謂至明白矣。

按此與前篇無隱之意，相發學者詳之。

參存疑子，遂因其疑而解之。曰：「予之欲無言也，亦以道之無待于言耳。今夫維天於穆，何嘗有言哉？但見寒往暑來之四時，出入而不息焉。飛潛動植之百物，日生而不已焉。」這天理都發見流行出來，天何嘗待于言哉？由是觀之，道真有不待言而顯者矣。子何疑于傳述之難也？

析講聖人意，謂我之日用動靜，都是道理發出來。汝小子，自求之，自有不盡處。何待于言然後可述耶？○大全朱氏曰：「天以理言，在天之天也。於暢不已，是指其本體言。聖人之德與之相配者，如此時行，物生是節，其功化言。聖人之教與之相

似者，如此○。此節只說得个理，不待言而顯，所以欲無言。若說天不言，子亦不言，是援天以自况了。非夫子口一氣時文俱說到聖人同天，意失之矣。四時百物，非天而四時，所以行。百物所以生，則天爲之也。兩焉二字是自然而行，自然而生天。與萬物總屬無心。此中即有無言意在。

孺悲章全旨

孺悲魯人，嘗學士喪禮於孔子。當是時，必有以得罪者，故辭以疾，而又使知其非疾，以警戒之也。程子曰：「此孟子所謂不

屑之教誨，所以深教之也。○
參序孺悲欲見孔子，孔子辭之。以有疾而不見之，猶恐其以爲真疾，而不悟。拒之之意也。故僕將命者，左出戶，則又取瑟而歌。使孺悲聞之，而知其非疾，蓋所以警而教之也。○
析講將命，是孔子之傳命者，非孺悲使。是孺悲使者既

孺悲欲見孔子，孔子辭以疾，將命者出戶，取瑟而歌，使之聞之。

孺悲魯人，嘗學士喪禮於孔子。當是時，必有以得罪者，故辭以疾，而又使知其非疾，以警戒之也。程子曰：「此孟子所謂不屑之教誨，所以深教之也。○
參序孺悲欲見孔子，孔子辭之。以有疾而不見之，猶恐其以爲真疾，而不悟。拒之之意也。故僕將命者，左出戶，則又取瑟而歌。使孺悲聞之，而知其非疾，蓋所以警而教之也。○
析講將命，是孔子之傳命者，非孺悲使。是孺悲使者既

見聖人便知非疾又何待哉。畢竟家孔說是存疑不可從。

○太全禮雜記恤由之喪魯哀公使羣悲之。孔子學中士喪禮士喪禮於是乎書。此章重仁字仁人心也卽註不忍之心若短喪則忍忍則不仁夫子只要感發他一顆良心故反覆不置如此首三節是宰我言喪之所短下三節是夫子發其情警之。

宰我問三年之喪期已久矣

期音暮

期周年也

參序宰我問夫子以古禮入子居父母之喪必以三年爲制自予觀之期年已久矣何必三年乎。

析講期已久矣意以爲可短也

君子三年不爲禮禮必壞三年不爲樂樂必崩

恐居喪不習而崩壞也

合參夫喪之不必三年者何也蓋禮樂不可斯須去身者也

居喪則不習平禮樂君子若三年不爲禮則威儀揖遜之節廢而禮必壞三年不爲樂則聲音節奏之妙疎而樂必崩三年之有妨于人事如此

舊穀既沒新穀既升鑽燧改火期可已矣

鑽祖官反

沒盡也升登也燧取火之木也改火春取榆柳之火夏取棗杏之火夏季取桑柘之火秋取柞櫟之火冬取槐檀之火亦一年而周也已止也言期年則天運一周時物皆變喪至此可止也尹氏曰短喪之說下患且恥言之宰我親學聖人之門而以是爲問者有所疑於心而不敢強焉爾

參序以期年言之舊穀既已盡沒新穀既已皆升鑽燧取火已歷重改其取火之木天運一周時物皆變人子哀痛之

心亦可少變矣喪不可以止乎

析講舊穀二句重升涵字食物一變鑽燧句重改字用物一
變○太全饒氏曰四時取火之木不同榆柳木之青者故春
取之桑杏木之赤者故夏取之桑柘黃柞柏白櫟檀黑各隨
其時之方色取之占人作事件件順天時
况水火亦天地妙用尤不可不順其性

子曰食夫稻衣夫錦於女安乎曰安

夫音扶下同衣去聲女音汝下同

禮父母之喪既殯食粥麤衰既葬疏食水飲受以成布期而
小祥始食菜羹練冠縗縗要經不除無食稻衣錦之理夫子
欲宰我反求諸心自得之所以不忍者故問之以此而宰我不察也

參存疑宰我之欲短喪其心固已忍矣故夫子喚而醒之曰
三年之喪食必蔬食衣必衰麻禮也今子說期可已矣則自
期年之後使女就舍蔬食而食夫稻粱禪衰麻而衣夫文錦
于心安乎予對曰安蓋不能反求諸心而動其惻然者矣
析講夫子見宰予之忍心故把安字喚醒他惻隱之心食
稻衣錦以期年外言○太全記問傳父母之喪未殯之前勺

水不入口既殯則三日矣方食粥朝一溢米暮一溢米既虞
卒哭蔬飲水期而小祥服練方食菜羹又期而大祥服編
食醴醬中月而禫禫而飲醴酒始飲酒者先飲醴酒始食肉
者先食乾肉○溢米一手所握也以爲粥○朱子曰成布是
稍綱成布初來未成布也○縗今淺絳色小祥以縗
爲緣一入爲縗禮有四入之說亦是漸漸加深色耳

女安則爲之夫君子之居喪食旨不甘聞樂不

樂上如字下音洛

樂居處不安故不爲也今女安則爲之

此夫子之言也旨亦甘也初言女安則爲之絕之之辭又發
其不忍之端以警其不察而再言女安則爲之以深責之令
參夫子責之曰女既安于食稻衣錦則期年之喪惟女爲
之矣殊不知君子有大不忍者夫君子之居親之喪也哀痛
迫切設使之食旨其心必不以爲甘設使之聞樂其心必不
以爲樂設使之不寢苦枕塊而居處于內其心必不以爲安
以其心有所不忍故喪必三年而不爲平期年也今女既安
于食稻衣錦已大異乎君子之用心矣則期年之喪惟女爲之

以甚言無所用心之不可爾

衆序子曰凡人生德業當勤心以進修而後有成若飽食終日優游自安而凡理所當求業所當修者無所用其心將神志放惰日流匪僻難矣哉其人乎不有博與交者乎此非其端爲之正然爲之必用其心猶賢乎已而一無

所用其心者甚矣人之不可無所用其心也

析講朱子曰心若有用則心有所主只看如今纔讀書則心便主于讀書纔寫字則心便主于寫字若是悠悠蕩蕩未有不入于邪僻者

君子章全旨

此章見以理制氣之學，更與義俱就作事時說

子路曰君子尚勇乎子曰君子義以爲上君子有勇而無義爲亂小人有勇而無義爲盜

尚上之也君子爲亂小人爲盜皆以位而言者也尹氏曰義以爲尚則其勇也大矣子路好勇故夫子以此救其失也胡氏曰疑此子路初見孔子時問答也

衆淺說子路好勇以爲天下之事勇敢敢爲故問曰君子尚勇力乎子曰君子之人以義爲上義所當爲則必爲之義所不當爲則必不爲之其所尚者惟當平理之宜而已矣而勇非所尚也苟不知尚義而專尚勇則無一可者故使在上之君子徒有勇而無義以制之則逆理犯分而爲亂在下之小人徒有勇而無義以制之則兇暴爲非而爲盜勇可尚乎哉

析講義以爲上不必說勇合于義爲上蓋爲所當爲而惟義是尚則不言勇而勇在其中矣朱子曰勇于義乃爲大勇見得到處便子路事孔悝一事却是見不到蓋不以出公之立爲非謂正名爲迂斯可見矣○上二君子以德言下對小人者以位言○上卽無以尚之意下一句是言無義之害以明君子尚義之意有勇便無義爲亂以逆理言爲盜以肆欲言皆從無義以制之上來○輔氏曰朱子一

子貢章全旨

通章總見聖賢同上維世之深心國法有賞卽有惡惡其亂德俱爲世道人心之防用惡各別心寔一般

子貢曰君子亦有惡乎子曰有惡惡稱人之惡者

惡居下流而訥上者惡勇而無禮者惡果敢而窒

者惡去聲下同唯惡者

之惡如字訥所諫反

訥訥也窒不通也稱人惡則無仁厚之意下訥上則無忠敬之心勇無禮則爲亂果而窒則妄作故夫子惡之衆序子貢欲觀夫子之所惡以驗在己之所惡故問曰君子愛人不知亦有所惡子曰好善惡惡人心之公君子亦有惡也隱惡者仁厚之道若于人之惡而好稱揚之者君子則惡其心之不仁厚爲尊者諱乃忠敬之道乃有居下位而謗毀在上者君子則惡其心之不忠敬臨事固當勇爲然必有禮以節文之則不暴若勇而無禮者必任其血氣之強而犯上作亂矣故惡之質性固貴果敢然必有學問以開明之則不窒若果敢而不通于事理則必率意妄作矣故惡之君子之所惡如此

析講君子暗指孔子言朱子曰勇是以氣加人故易至十無

曰賜也亦有惡乎惡徼以爲知者惡不孫以爲勇者惡訥以爲直者

去聲訥居謁反

禮果敢是斷然敢爲蓋果敢而不窒則所爲之事必當于理窒而不果敢則于理雖不通然亦未敢輕爲惟果敢而窒者則不論是非而率然妄作此聖人所以惡之也○饒氏曰舉

敢卽前章之剛屬性質勇敢屬血氣○下流只是下位

惡徼以下子貢之言也徼伺察也訥謂攻發人之陰私○楊氏曰仁者無不愛則君子疑若無惡矣子貢之有是心也故問焉以質其是非侯氏曰聖賢之所惡如此所謂唯仁者能惡人也

參序子曰賜也女亦有所惡乎子貢曰賜之所惡者亦有之聖明覺自然謂之智彼事伺察人之動靜徼也而乃自以爲智無不知者則惡其非智而托于智見義必爲謂之勇若犯上凌尊甚不遜也乃自以爲勇而有爲者則惡其非勇而托於勇無所隱諱謂之直若專攻發人之陰私訥也而少自以爲直而無所諱者則惡其非直而托于直賜之所惡如此聖

賢所惡孰非人心之公平

二十六

析講太全蔡氏曰夫子所惡是顯悖于理者子貢所惡是假托于理者由夫子一惡凡人情徑行執已不循道理之事皆所必絕也由子貢一惡凡人世退機用察不由本心之事皆所必絕也

唯女章全旨

此論御臣妾之難在御之有道爲畜之者發不重在女子小人上蓋女子小人多忽之而不知其難養往往非近則遠故夫子提出示人使人人知所以養之之道

子曰唯女子與小人爲難養也近之則不孫遠之則怨

近孫遠

並去聲

此小人亦謂僕隸下人也君子之於臣妾

莊以涖之慈以畜之則無二者之患矣

泰淺說子曰天下在下的人唯女子與小人爲難于畜養也何也過于用恩而近之彼必挾恩恃愛而無所畏忌則不孫于我矣若過于用嚴而疎遠之彼又失其所望懷怨恨而不弭其易怨之意莊與慈其不近不遠之中道乎

年四章全旨

此章是勉人以及時進修之意

子曰四十而見惡焉其終也已

惡去聲

四十成德之時見惡於人則止於此而已勉人及时遷善改過也蘇氏曰此亦有爲而言不知其爲誰也參序子曰人生年至四十正道明德立之時也而猶然見惡于有道之人焉惟其不易自遷善改過以至于此此時悔之何及乎無所顧于四十之前又何所望于四十之後此君子之自修所以貴及时也

析講見惡是有可惡之寔而見惡于善人君子也非不善者惡之之謂其終也已見其不復有進也

獨厚齋曰人之血氣

三十而壯四十而定故古人以四十爲成德之時。張南軒曰此又甚于四十無聞者有惡可惡又下于無善可聞也

微子第十八

此篇多記聖賢之

出處凡十上章

微子章全旨

上節敘事下節是斷其心三人或去或不去或死或不死疑于此是則彼非孔子卽其位揆其時而原其心直斷其爲同出于憂君憂國之心而行之各當其理故迹不同而仁則一也。大意似專爲微箕而發蓋牛干之死其爲仁無可疑矣奴之與去則有可疑故夫子畧述原心而並許其仁。

微子去之箕子爲之奴比干諫而死

微箕二國名子爵也微子紂庶兄箕子比干紂叔父微子見紂無道去之以存宗祀箕子比干皆諫紂殺比干囚箕子以爲奴箕子因佯狂而受辱

參本全微子者殷帝乙之長子而紂庶兄也紂淫亂于政微子數諫不聽乃去之箕子者紂諸父也紂淫佚箕子諫不聽力糾凶之行被髮佯狂而爲之奴王子比干者亦紂諸父也箕子號泣而隨之人臣三諫不聽則其義可以去矣遂亡箕子名胥餘食采于箕故曰箕子紂淫佚益肆作炮烙之刑箕子諫之不聽乃陳先主難天命不易謂王洗心易行伏于象魏之門二日不去紂大怒曰比干自以爲聖人矣吾聞聖人之心有七竅信有諸乎遂殺之而剗其心

孔子曰殷有三仁焉

三人之行不同而同出於至誠惻怛之意故不咷平愛之理而有以全其心之德也楊氏曰此三人各得其本心故同謂之仁

參序此三人者同爲紂親臣而或去或不去或死或不行各不同矣孔子從而斷之曰殷有三仁焉蓋論人者不當泥其迹而當原其心就三人之迹而觀之雖有不同原三人之

心而論之，則其憂君愛國之心一而已矣。其去者欲使君感悟而非忘君奴者，欲有待以匡君而非懼禍死者，拔身以慎主而非沽名要譽，皆出于至誠惻怛之心也。

析講首節三句不必非記者語亦不必非孔子語先教後斷則捕孔子自三字于史亦古文常法也。舜有臣五人二十節體亦如之。○仁字主愛之理，言不拂乎愛之理便全其心之德矣。○存宗祀之說非微子本意後人據事。

之言也還作以去感悟其君于仁字較切。

柳下章全旨

真道則雖去無益若枉道則又不必去須上重下輕抑揚看方見必不肯枉道之意。

柳下惠爲士師三黜人曰子未可以去乎曰直道而事人焉往而不三黜枉道而事人何必去父母之邦

三去聲焉

於虔反

士師獄官黜退也。柳下惠三黜不去而其辭氣雍容如此可謂和矣然其不能枉道之意則有確乎其不可拔者是則所

謂必以其道而不自失焉者也。胡氏曰

柳下惠爲魯士師之官屢遭罷斥而不去或諷之曰君子之仕也道合則留不合則去今吾子既不見用尚未可以他去以行其志乎惠曰我之所以見黜者以直道也大抵世情皆好枉惡直苟以直道而事人雖適他國終未免三黜若肯枉道事人卽在魯亦得安其位又何必去父母之邦乎觀其言泛然若無所指蓋和者之氣象如此而其意則自信其直道而行不以三黜爲辱也此其所以和而介歟仕徒知其不妄去之爲和而不知其所以三黜者之爲有守未足以議柳下惠也

析講何必去父母之邦正是一發明此道必不可狃不是枉道易合之說直道卽進不隱賢必以其道意不專指謙讓之訓不中說○魯齊王氏曰舜命皇陶汝作士士之名始見于刑官周禮春秋官司寇之屬有二十師之職刑官曰士其長曰師故士師之下有鄉士遂士縣士方士諸士皆掌獄者仁金山日獄官民之司命故以士爲之○洪氏曰是時三家漸已用事其於獄必有以私意行之者僕不曲法以徇之之所以三黜

也。勉齋黃氏曰：列子一章，于篇首以見古人出處，不同亦各有義，然後著孔子之事，以見聖人之出處也。

齊景公全旨

此景公與其臣議席孔子之詞，即此商量計較，便非待賢之誠。孔子行承上二意，重不不用邊，

齊景公待孔子曰：若季氏則吾不能以季孟之間待之。曰：吾老矣，不能用也。孔子行。

魯三卿季氏最貴，孟氏爲下卿。孔子去之事，見世家。然此言必非面語。孔子蓋自以告其臣而孔子聞之爾。○程子曰：季氏強臣，君待之之禮極隆，然非所以待孔子也。以季孟之間待之，則禮亦至矣。然復曰吾老矣，不能用也。故

孔子去之，益不繫。待之輕重特以不用而去爾。

參那疏：昔孔子之齊，齊景公與其臣議所以待孔子者，曰：孔子魯人也，固習見魯君所以待三卿者矣。我待孔子以上卿之位。若魯季氏，則吾力不能，又不可使其位卑，如魯孟氏。吾欲待之，以季孟二者之間，則墮殺得宜，庶幾甚可。物既而曰：孔子之道無近功。吾年則老矣，不能用其道而見諸施行也。

夫孔子至齊，本爲行道，道不用，則禮節亦徒然耳。孔子于是遂行而反于魯焉。

析講大全：湧厚齊日是時諸侯之賢，而國勢富強者莫如齊。景未予所屬也。晏平仲得政已三十世矣。景公至魯，與子語而悅之，其後子之齊，公數問政，而悅，與之所為也。公友責效于期月之間，而嬰乃謂累世不能耀其學，此公之所以謂晏老而不可俟也。○邢疏云：若季氏則不能以田氏專政也。解似鑿却淮南而忘敬賢之心，則道之不行，可見矣。是以去之。

齊人歸女樂，季桓子受之，三日不朝孔子行。

歸，或

作饋。朝音潮。○季桓子，魯大夫名，斯。按史記定公十四年，孔子爲魯司寇，攝行相事，齊人懼，歸女樂以沮之。尹氏曰：受女樂而怠於政事如此，其簡賢棄禮，不足與有爲可知矣。未子所以行也。所謂見幾而作，不俟終日者歟。○范氏曰：此篇記仁賢之出處，而折衷以聖人之行，所以明中庸之道也。

合衆君子爲魯司寇攝行相事。三月，魯國大治。齊人懼，其將
霸，用犁鉏之計，歸女樂于魯君。欲以動其聲色之好，而泄其
用賢之志也。時國政統于桓子。桓子言于魯君而受之。于是
君臣耽樂，荒于聲色，怠于政事。君不臨朝，臣不往朝。蓋三日
焉夫，方用賢之日，而受二女樂，簡賢也。三十日不朝，棄禮也。其不足與有爲可知矣。孔子于是遂行焉。蓋期月而可以言及試。
于魯而二年有成之效。卒不得終，良可慨矣。

析講那疏 孔子攝相三月，魯大治。齊人懼曰：盍致地？犁鉏請
先祖之于，是選齊國中女子好者八十人，皆衣文衣而舞康
樂。陳于魯城南高門外。季桓子微服往觀，再三將受。乃語魯
君曰：周道游往觀終日，桓子卒受女樂。一日不聽政，孔子遂
行。序作猗蘭之操。彼婦之口可以出走。彼婦之謁，可以死敗。優哉游哉。
彼蒼天不得其所。世人聞此，不知賢者年紀逝邁，一身得老。
其歌曰：彼婦之口可以出走。彼婦之謁，可以死敗。優哉游哉。
維以卒歲。後桓子疾，謂康子曰：昔者孔子幾興魯矣，以吾受
群婢，故去我死汝。相魯必召仲尼。孟子曰：孔子大季桓子
見行，可使之仕。此日，季桓子不朝。孔子行其仕，其行皆以桓子
而定公徒推虛名于其上也。悲哉。○蒙引 君三十日不視朝，臣

楚狂章全旨

此章見朱子接引，楚狂之意，首節接與

欲聖人之隱末節，不欲聞聖人之言。

楚狂接輿歌而過孔子曰：鳳兮！鳳兮！何德之衰！往者不可諫來者猶可追已而已。而今之從政者殆而。

接輿，楚人佯狂辟世。夫子時將適楚，故接輿歌而過其車前，
也。鳳有道則見，無道則隱。接輿以比孔子而譏其不能隱，爲
等本不。但記孔子之不遇。○受之是言于魯君而與之當時
諭受之權在桓子。故曰桓子受之，以譏魯君也。

助辭殆危也。接輿蓋知尊孔子而趣不同者也。

參淺說：孔于時將適楚，楚有狂者接輿歌而過孔子之車前，
曰：鳳兮！鳳兮！有道則見，無道則隱。其德盛也。今何時也？而猶

不隱何其德之衰而不自重也耶益往者之事不可諫止來者之事猶可追及隱之此其時矣已而已而我觀今之仕而從政者同一禍生不測危殆而不可保而况未仕者可不隱乎是蓋知尊孔子而趨向不同者也

析講鳳今二句譏其不隱往者四句諷其速歸接輿之所趨則在于絕人逃世以遠害全身而已與聖人不同也○饒氏曰鳳世治則生世亂則不生是卽有道則見無道則隱之義蓋麟鳳皆不是有種之物惟聖人在上天地泰和所

以元會之氣鍾爲麟鳳如鶴生鶴馬生龍駒之類

孔子下欲與之言趨而辟之不得與之言聲

孔子下車益欲告之以出處之意

輿自以爲是故不欲聞而辟之也

合參孔子聞其歌聲知其爲隱者因下車欲與之言益欲告以出處之大義而挽之以共濟也接輿序趨而辟孔子而匿其聲迹焉遂不得與之言孔子有心于接輿而接輿無心于孔子豈非以濟世之與辟世其趨有不同耶

析講麟士曰接輿必是不知姓名因其實而歌而溫

士日接輿必是不知姓名因其實而歌而溫

長沮章全旨

本文誰以易不與易兩相呼應沮溺避世爲天下無道孔子轍張亦爲天下無道沮溺曰天下無道吾欲耦耕

孔予曰天下有道丘不與易沮溺不免有自

松自爲之心孔子却與己饑且渴同十一意

長沮桀溺耦而耕孔子過之使子路問津焉

下

余反澑乃歷反○二人隱者耦並

耕也時孔子自楚反乎蔡津濟渡處

參序長沮桀溺皆賢而隱者也二人並耦而耕

孔子過其所耕之地使子路問以津渡之處焉

析講接輿書楚故沮溺丈人不復壽蓋皆楚人也沮者沮而不不出也溺者沉而不返也乃記者加之以名耳不知其姓名也問津之使亦非無意知其非尋

常耕者欲汲引以共濟天下也

長沮曰夫執輿者爲誰子路曰爲孔丘曰是魯孔

丘與曰是也曰是知津矣

夫音扶
與平聲

執輿執轡在車也蓋本子一路御而執轡令下問津故夫子代也也知津言數周流自知津處參序時子路下車往問夫子代子路執轡長沮因指夫子而問曰夫執轡于輿者爲誰子路曰爲孔丘沮素聞孔子之名乃曰是曾閔之孔丘是數數周流自知津處矣何問爲既爲魯之孔丘是數數周流自知津處矣何問爲析講知津言老子道路自熟知之是不足夫子之周流口氣有隱然諷其不隱之意上

問於桀溺桀溺曰子爲誰曰爲仲由曰是魯孔丘之徒與對曰然曰滔滔者天下皆是也而誰以易之且而與其從辟人之土也豈若從辟世之士哉耰而不輟

徒與之與平聲滔土刀反辟去聲耰音憂

滔滔流而不反之意以借輿也言天下皆亂將誰與變易之而汝也辟人謂孔子辟世桀溺自謂耰覆種也亦不告以津處奉存期子路不得于長沮又問于桀溺桀溺曰子爲誰子路曰我爲仲由溺又問曰是魯孔丘之徒與子路對曰然也桀溺乃譏之曰孔丘周流不已豈謂天下猶可爲耶我觀今世之亂滔滔然如水之日流于下者舉天下之人皆是也而誰人任用聽服祀與爾變亂爲治變惡爲善乎且爾與其從辟入之土此人不可則去就彼人與有善可遇而不可得何若從下夫辟世之土世無善人可遇長與之辭而付理亂干不知之爲高哉言畢遂自治其田事耰而不輟亦不告以津處析講滔滔以下一譏夫子救世之難一譏子路所從之非要之譏子路正以譏夫子也且而二句不四是教子路從他興世只見他不該從夫子辟人也○誰以易之兼君與言○耰以墾田使土開處復合以覆種

子路行以告夫子憮然曰烏獸不可與同羣吾非斯人之徒與而誰與天下有道丘不與易也

憮音武
與如字

○撫然猶悵然惜其不喻已意也言所當與同羣者斯人而已豈可絕入逃世以爲潔哉天下若已平治則我無用變易之正爲天下無道故欲以道易之耳○程子曰聖人不敢忘天下之心故其言如此也張子曰聖人之仁不下以無道必天下而棄之也

叢蒙引子路不得津處遂行而以二人之言告夫子夫子憤其不喻已濟世之意撫然嘆息曰充榮溺穢世之操是謂世人皆不可與同群意必同群鳥獸而後可者也然天下皆人也吾亦人也鳥獸異類既不可與同群吾非斯人之徒類相與而誰與同群哉如之何絕人逃世以爲潔耶彼謂天下無道誰與易之殊不知若天下有道則丘亦相安于治而不用變易之矣正爲天下無道故欲

以道易之耳彼豈知我心者哉

析講此皆反榮溺之章然一人所見所執寔同反榮溺而長沮亦在其中矣○斯人之徒亦兼君民二言○鳥獸二句反辟人二句見辟世之不可爲天下有道二句反滔滔二句見易之亂之不可已○陳氏曰沮溺以賢人自守之心而盡聖人濟世之心宜其不足以知聖也○按通義古之隱者不欲以姓

名作是人亦不得而知之論語所載若荷蕡晨門荷蓀丈人皆以其物與事名之○丘不與易之與與上三與字不同上與字作相與之與不少與與字作用字看○蔡氏曰吾非斯人之徒與而誰與蓋所謂之人亦人也無處非人無處非吾所與之人卽欲辟之而不可得與字自情之關切言有一體同仁意有道不與易正發出易世深心如人無病何消用醫卽子病未甚也不須國手正爲天下滔滔聖人欲立欲達之心豈恐坐視故欲以道變易之耳若夫天下有道則仕亦可不仕亦可何用如此柄柄不舍耶

子路章全旨前章說天下有道丘不與易可見聖人救世之仁丘無義一句是主下皆申明此句之意長幼之節至大倫是說丈人忘世之非君子之仕三句是明自己用世之意無非倦怠行道不徒是號丈人也

子路從而後遇丈人以杖荷蓀子路問曰子見夫子乎丈人曰四體不勤五穀不分孰爲夫子植其

杖而芸

ル條徒弔反

值音值

文人亦隱者。蓀竹器分辦也。五穀不分，猶言不辨菽麥。醉責其不事農業，而從師遠遊也。植立之也。芸去草也。參序子路從夫子自楚反，蔡偶相失，在後遇丈人以杖擔荷，夫蓀而行。因問曰：「子見我師夫子乎？」丈人曰：「當今之時稼穡食力時也。汝于四體則不勤乎？」耕于五穀則不分其類，而徒然從師遠遊，顧問夫子于我。吾安知行道之人孰爾？」夫子乎？遂植其杖而芸田。

析講註集解文人老人也。麟士曰：按註蓀竹器亦本集解。然舊籬韻會小補云：蓀芸草器，本從草，不從竹。且下有植杖，而芸語想必是。起初掛蓀于杖荷之，而行與子路語，無植杖田中，取蓀而芸也。○子見夫子乎？猶云子曾見我先生否？不勤不分，是責其不事農業。孰爾？夫子是責其從師遠遊也。

子路拱而立

知其隱者敬之也

參序子路見其年高，而語異，遂悚然拱手而立，以起敬之。

止子路宿，殺雞爲黍而食之，見其二子，爲

析講註食，音嗣見，賢遍反。

參序丈人感于子路之敬，遂留止。子路微子其家，因是殺雞爲黍而食之，因出見其二子焉。此固子路拱立之敬，有以感之，而亦隱然卽事以諷子路也。

析講翼註近說作諷其隱意見田野錄。

食天倫聚首，皆示以山林樂事也。亦集。

明日子路行以告子，曰：「隱者也。」使子路反見之，至則行矣。

孔子使子路反見之，益欲告之以君臣之義，而丈人意，子路必將復來，故先去之，以滅其跡，亦接與之意也。參序宿之明日，子路行及夫子，以其妻告夫子。子曰：「觀此人言詞禮貌如此，殆非農家者流。蓋賢而隱者也。惜其不明，出處之大道耳。」使子路反見之，蓋欲挽之以共濟天下也。及至三

其一家而丈人已先行而不復遇矣

子路曰不仕無義長幼之節不可廢也君臣之義如之何其廢之欲潔其身而亂大倫君子之仕也行其義也道之不行已知之矣

聲長上

子路述夫子之意如此蓋丈人之接子路甚倨而子路益恭不人因見其二子焉則於長幼之節固知其不可廢矣故因其所明以曉之倫序也人之大倫有五父子有親君臣有義夫婦有別長幼有序朋友有信是也仕所以行君臣之義故雖知道之不行而不可廢然謂之義則事之可否身之去就亦自有不可苟者是以雖不潔身以亂倫亦非忘義以徇祿也福州有周初時寫本略有反字二字以此爲子路反而天子言之也未知是否○范氏曰隱者爲高故往而不返仕者爲通故漏而不止不下與鳥獸同羣則決性命之情以饑富貴此二者皆惑也是以依乎中庸者爲難惟聖人不廢君臣

之義而必以其正所以或出或處而終不離於道也參通義子路述夫子之意而言曰人倫有五而君臣主子義人若不任則無君臣之義矣夫長幼君臣並列于大倫而君臣爲尤大丈人前使二字以禮相見則是長幼之節次既知其不可廢也君臣之義如乏何其可廢之徒以隱爲高欲自潔其身而亂君臣之大倫而且君子之所以仕者豈徒爲利祿哉正欲下行以臣事君之義而彼無廢也當今天下明良難遇道不可行我已知之然不肯終隱者恐絕君臣之義也丈人何其見之固哉子路述夫子之意如此其所以接引丈人者至矣惜乎其趨不同也

析講趙氏曰子路所言雖未可卽以爲夫子之語然使之反見則必授以見之之意矣故知述夫子之意無疑也○不仕句泛說潔身句指丈人陳新安曰太倫備于五者此所謂潔身亂倫只是說廢君臣之大倫○廢字應上不仕不家必待遇而後行行義在我無論遇與不遇皆當行底君子之仕不拘定在朝如惄惄爲世之心不肯已便是行義○旣雙峰曰道義如何分道指全體言義指一事言聖人之道行于

天下則人人共由此道如義只是君臣有義一件而已蔡氏曰君子之仕也言君子欲仕之意也仕不獨君子必君子之仕方爲行義卽如夫子拜上不拜下一節君臣之分凜然足以杜僣竊正名分豈非行義乎

逸民章全旨此章見夫子不忍爲逸之意以用世爲不可以出天下如一身未嘗以用世爲不可遺世爲可有不忍爲逸者故曰我則異于是○首節是列逸民之行而先紀其名中三節不是定其優劣總是述其行末節則自表其異不欲以逸民歸處也

逸民伯夷叔齊虞仲夷逸朱張柳下惠少連

少去聲下同○逸遺逸民者無位之稱虞仲卽仲雍與泰伯同竄荆蠻者夷逸朱張不見經傳少連東夷人也

參序古今遺逸之民可以考見者七人如仲夷叔齊虞仲夷逸朱張柳下惠少連皆是也

夷叔齊虞仲夷逸朱張柳下惠少連皆是也

析講逸對勞言彼見時不可爲但自遂其高自行其志不爲

世法所拘何等逍遙自在故曰逸民七人雖有仕與不仕之

弓荀卿有言曰大儒通則一天下窮則獨立自治築紳之世不能汚子弓是也家語孔子曰少連東夷之人遠于禮者也入與皎平眞不可及也其清而逸者乎

參淺說之七人者隱遜雖同而制行各異子嘗歎之曰逸民之中有立志高尚不肯少毀其志以屈于人守身清潔不肯稱芳其身以徇于世其伯夷叔齊之爲人與皎平眞不可及也其清而逸者乎

析講不降以立心言不辱以制行言○先下靜語纔許兩人是想慕無窮意○陳新安曰非其君不事不降志可見不立

惡人之朝不辱身可見麟士云挾此語炤下柳下惠降志辱身矣尤明

謂柳下惠少連降志辱身矣言中倫行中慮其斯而已矣

中去聲
下同

柳下惠事見上倫義理之次第也慮恩慮也中慮言有意義合人心少連事不可考然記稱其善居喪三日不怠三十月不解朞暮悲哀三年憂則行之中慮亦可見矣
合衆謂柳下惠少連之爲人則不擇君而事不待時而出雖降屈其志卑辱其身有弗恤矣但其所言則合義理之次第而中倫其所行則合乎衆人之公心而中慮雖降志辱身而能不失其正與他人之降志辱身不同惠連之所可取者如此而已矣其和而逸者平

析講降志辱身矣畧宜回護乃是混俗和光意倫是秩然之理慮是固然之心中倫中慮俱要見不激不隨意方始二子之倫慮就在降辱中討出其斯而已矣非不足之詞言二子之所以爲逸民處在此觀二子者當于此處求之不可不以其晦

辱而譽之也○蔡氏曰他人降志辱身人得而降之辱之惠連只自不求伸自不求榮觀三黜不去一事可見此之夷離

謂虞仲夷逸隱居放言身中清廢中權

仲雍居吳斷髮文身裸以爲飾隱居獨善合乎道之清放言自廢合乎道之權

參大金謂虞仲夷逸之爲人則適異地以隱居放蕩其言而不羈然隱居退處以獨善其身而利祿不得而縻之則合乎道之清放言自廢以示不可用而因時勢以爲通變則合乎道之權與潔身亂倫害義傷教者異矣其放而逸者乎析講上節卽中倫中慮上見其雖隱放非誕也○中清承隱居來中權承放言中權上見其雖隱放非汚也○中清承隱居來中權承放言來清權二句講須斟酌只在他逸處摹寫便是放言雖不可考然觀虞仲斷髮文身之爲則放言自廢固宜有之

我則異於是無可無不可

孟子曰孔子可以仕則仕可以止則止可以久則久可以速則速所謂無可無不可也○謝氏曰七人隱避不行則同其

立心造行則異伯夷叔齊天子不得臣諸侯不得友蓋已遜世離羣矣下聖人一等此其最高與柳下惠少連雖降志而不枉已雖辱身而不求合其心有不胥也故言能中倫行能中慮虞仲夷逸隱居放詒則言不合先生之法者多矣然清而不汙也權而適安也與方外之士峩義傷教而亂大倫者無可無不可此所以常適其可而異於逸民之徒也楊雄曰觀乎聖人則見賢人是以孟子語夷惠亦必以孔子斷之叅大全七人高節有如是是其所不爲者皆其心之有所不所也其所爲者皆其心之有所可也若我則異于是我于出處去就之際當可則可未嘗執以爲可嘗不可則不可未嘗執以爲不可可與不可益

不存乎心也若其爲逸民否耶

析講異于是只說我之行另是一樣便了若揚已抑人便非夫子渾融口氣○大全胡氏曰無可無不可以五字成文當渾全以會其意不當公析以求其義于不可未免離世絕俗而爲孤介一隅之士于可又未免墮方逐圓而爲委蛇苟合之人聖人無可而無不可則非固也無不可而無可則

非流也所以爲時中之聖與○饒氏曰方其事未定之時則此心無可無不可及其事已斷之後則有可有不可矣○蒙引無適也無莫也無可無不可之說也曰義之與比則自有可與不可在○存疑七人各有所不可是先立一个主意如此則可如彼則不可聖人不曾先立主意但隨其事來可如此則如此可如彼則如彼○按此章舊講首節記者敘自二節予白以下夫子斷是矣但三節四節着兩謂字冠又不似夫子口一中而末節我字冠却又是夫子口中何文法參差不一也大約通自記者記序記斷而然兩謂字即如子白字末節急承遂稱起我宗參差處固古文體往往然也

此記樂官之去亂以見夫子正樂之功樂爲魯公設非爲三家設因孔子正樂之後群士識樂之正一遇三家備樂故耻爲所役各棄其職而去師句提網下分兩易見典樂風太師爲之長而去管亦太師爲之俱適楚適蔡適秦是適地入河入漢入海是適世雖有避地避世之不同而去亂之心皆心太師守職之心而同太師高蹈之見也○慶源輔氏曰自太師以下皆傷時之後禮樂備安去而避亂者故以記逸民之後

大師擊適齊

奉大音

太師魯樂官之長號其名也

參序天子正樂之後魯之樂官不安于僭越皆知去焉如大師名擊者則去而適齊是去魯之侶也析講去此之彼爲適是避地者○蒙引前云太師魯樂官而此云魯樂官之長對下文其屬而言

亞飯干適楚三飯繚適蔡四飯缺適秦

二飯扶絕反繚音了

亞飯以下以樂侑食之官于繚缺皆名也

參序大師既去則以樂侑食之官能安其位乎但見掌亞飯之樂名于者則去而適楚掌三飯之樂名繚者則去而適蔡掌四飯之樂名缺者則去而適秦雖所適之國不同而同一遷地之心也

析講馮厚齋曰天子諸侯各以樂侑食每食樂章各異各有樂師○白虎通曰王者平且食晝食晡食凡四飯諸侯

三飯大夫再飯○齊氏曰魯諸侯故止二飯然不言一飯豈周公錫天子樂而魯儻之孔子正樂而去其一耶記者起數

鼓方叔入于河

鼓擊鼓者方叔名河河內

參序擊鼓之官名方叔者去而入君子河廣

析講一往不返爲入是避世者

播鼗武入于漢

鼗徒刀反

播鼗也鼗小鼓兩旁有耳持其柄而搖之則兩耳還自擊武名也漢漢中

參序掌播鼗之官名武者去而入居于漢中

少師陽擊磬襄入于海

少夫聲

少師樂官之佐陽襄二人名襄卽孔子所從學琴者海海島也○此記賢人之隱遁以附前章然未必夫子之言也末章放此張子曰周襄樂廢夫子自衛反魯嘗治之其後伶人賤士識樂之正及魯益衰三桓僭妾自太師以下皆知散之四方逾河蹈海以去亂聖人俄復之助功化如此如有用我

期凡而可豈虛譖哉

參序少師名陽者主擊磬之官名襄者去而入居于海濱雖所入之地不同而同三避世之心也憇樂官去而樂存固夫子正樂之功然而魯其衰矣

析講君不能自舉以樂而其臣備焉知樂何故太師先之諸人競從之而去不能挽然非其官之冕也故書其職非其人之罪也故書其名非其心之忘曾也故責其地

周公章至直

此周公訓子以忠厚開國之道君子二字提起重看不施四句是事事責其爲君子親親任賢敬故

使能四平看皆忠厚之道

周公謂魯公曰君子不施其親不使大臣怨乎不以故舊無大故則不棄也無求補於一人

施陸氏本作弛福本同

魯公周公子伯禽也弛遺棄也以用也大臣非其人則去之在其位則不可不用大故謂惡逆李氏曰四者皆君子之事忠厚之至也○胡氏曰此伯禽受封之國周公訓戒之辭魯人傳誦久而不忘也其或夫子嘗與門弟子言之與

參存疑昔魯公受封之始周公訓誠之曰我家本以仁厚開基汝今始治魯國亦當以忠厚爲本如國之有親與國同休戚者也君子于一本九族之親則尊其位重其祿以篤其親愛而不至于弛廢焉國有大臣乃國所係以爲安危者也君子則信之專任之久以遂其大用之志不使大臣怨我不信用也故舊之家先世有功德于民者也有惡道之大故或在所棄若無大故君半則不輕棄絕之而賢則世其官不賢亦世其殃焉人不能全才各有所是皆堪任用君子于用人之際取其長不責其短無求全責備于一人此數者皆植國家之本皆君子忠厚之道也汝之魯國其勉之哉

析講周家以忠厚立國觀周公垂訓數語益明以周道始魯也四項皆切立國時說左見周公當日恩賜諾誠本意○附錄詩史前編云武王克商封周公于曲阜公不就封留周爲大傅武王崩成王命公爲太宰半留相王而使元子伯禽就封于魯次子嗣周公食采于周○存疑大臣不信用則怨忿不是怕大臣怨方用他○魯初之事敘于魯衰之後傷今思古之意也下

章亦是此意

周有章全首

此追嘆周室人才之盛，重周有二字，正見周家氣運之隆，培植之厚，所以生此人土，此非特二門之慶，寔邦家之光也。

周有八士伯達伯适仲突仲忽叔夜叔夏季隨

季騶

騶鳥瓜反

或曰成主時人或曰宣主時人蓋一母四乳而生八子也然不可考矣○張子曰記善人之多也○愚按此篇孔子於三仁逸民師摯八士既皆稱贊而品列之於接輿沮溺丈人又每有惓惓接引之意皆衰世之志也其所感者深矣在陳之嘆益亦如此三仁則無間然矣其餘數君子者亦皆一世之高士若使得聞聖人之道以裁其所過而勉其所不及則其所立豈止於此而已哉

參大全記者曰人才之生關乎氣運昔我周盛時有一母四乳而生八士焉其初乳者伯達伯适也其次則仲突仲忽其三則叔夜叔夏其四則季隨季騶夫四乳皆雙生固爲異事八子皆賢尤異事也人才之盛如此周時氣數之降不可見

而今何可以復得耶

析講達是明于義理，這是弘度能容，实有禦難之才。忽有總理之能，夜者柔慎，不迫更者剛明，不屈隨者才能順應。騶者德超危衆，命名名之義，或如此然，亦不必拘。況三仁夫而取八士生，而周歲此，固見蕭何廢興之故，亦以見三仁不幸，而值其衰。八士幸而際其盛也。上以譽初之事，敘于魯襄之後，此以盛周之事敘于衰周之時，皆傳本思古之意。周之八士才不止八士，此特舉其萃于一門，生于一母者言之，以見其尤盛耳。胡氏曰古以伯仲叔季爲少長之次，如仲孫叔孫之類，今重複命名，故知其四執也。備考云八士南宮氏文王時皆爲虞官，故晉胥臣曰文主之卽位也詢于人虞及武王伐商，命南宮伯達遷九鼎于洛邑，命南宮适散鹿臺之財，仲忽以下其行事不少概見云。○詳方山曰咸

論語卷之九

早稻田大学図書館

011888004108